

Traži li Avaz pravo da piše neistine?

Povodom demonstracija koje su danas organizirali zaposleni u Dnevnom avazu pred Uredom visokog predstavnika, OHR je dao sljedeću izjavu:

Zaposleni u Dnevnom avazu slobodni su, kad god to žele, organizirati mirne demonstracije u skladu sa zakonom. To je osnovno demokratsko pravo i evropski standard. Nažalost, demonstranti iz Avaza nisu prihvatili ponudu visokog predstavnika da uđu u OHR i sa njim razgovaraju o svojim interesima.

OHR bi želio istaći dvije stvari.

Kao prvo, OHR ne razumije zašto Avaz protestira protiv "uvođenja cenzure". Prema navodima iz pisma glavnog i odgovornog urednika Đape koje je upućeno visokom predstavniku 17. februara, Kantonalni sud Sarajevo donio je privremene mjere kojima zabranjuje Avazu "dalje pronošnje i izražavanje neistinitih tvrdnji na račun tužitelja Zlatka Lagumdžije." Avazu nije zabranjeno da piše o gospodinu Lagumdžiji, nego samo da objavljuje neistinite informacije o njemu. Je li to pravo zbog kojeg protestiraju novinari Dnevnog avaza?

Kao drugo, iako pravo na mirne demonstracije predstavlja temeljni evropski standard, uvođenje neovisnog sudstva je također evropski standard. To ne može biti predmet kompromisa, ukoliko se BiH želi pridružiti Evropi. Primjena ovog zakona je stvar sudova i pravosudnog sistema, a ne pitanje za visokog predstavnika. Dakle, Avaz svakako može nastaviti sa demonstracijama ispred zgrade OHR-a, no OHR se ne može i neće uplitati u primjenu zakona ili odluke sudova.

U modernim evropskim državama postoji jasan princip: imenovanje sudija i njihove odluke ne mogu biti predmetom

uticaja – ili zastrašivanje – političara; ili novinskih kuća; ili, u krajnjoj liniji, visokog predstavnika.

Jednako je jasno da bez neovisnog sudstva, neovisno izabranih sudija, BiH nikada neće doći u Evropu. Proces ponovnog imenovanja koji se odvija pod nadzorom neovisnih Visokih sudskih i tužilačkih vijeća, od ključnog je značaja i neophodan dio cjelokupnog procesa. Kako su pokazale najnovije izjave predstavnika Evropske unije, Vijeća za provedbu mira i Sjedinjenih Američkih Država, oni podržavaju ovaj proces i nisu spremni dozvoliti da ga neko ugrožava. To što su sudije donijele odluku protiv Dnevnog avaza nije dokaz da taj proces ima propuste, da su sudije korumpirane, neprofesionalne, ili špijuni, kako tvrdi Avaz. Takav pritisak medija i zastrašivanje sudstva nema mjesta u modernoj demokratiji.